

Viðmið Varmahlíðarskóla um myndatökur og myndbirtingar

I Almennt um myndatökur og myndbirtingar

1. Í lögum um um persónuvernd og vinnslu persónuupplýsinga nr. 90/2018 eru lagðar ríkari skyldur en áður á alla þá sem vinna með persónuupplýsingar. Ljósmyndir og myndbönd af einstaklingum teljast almennt til persónuupplýsinga. Undir hugtakið vinnsla persónuupplýsinga fellur öll notkun og meðferð persónuupplýsinga s.s. söfnun, skráning, varðveisla og eyðing. Varmahlíðarskóli byggir vinnslu sína varðandi myndatökur og myndbirtingar á samþykki hinna skráðu, hér foreldra/forsjáraðila ólöggráða barna í skólanum. Tekið skal fram að myndir frá opnum viðburðum í skólanum og hópmyndir krefjast ekki samþykkis foreldra/forsjáraðila skv. skilningi laganna.

II Ábyrgð stjórnenda og samþykki forsjáraðila

2. Skv. lögum nr. 90/2018, um persónuvernd og meðferð persónuupplýsinga, ber sérhver skóli ábyrgð á vinnslu persónuupplýsinga um börn í starfi sínu. Ábyrgðaraðili ákvarðar tilgang og aðferðir við vinnslu persónuupplýsinga. Það er ávallt hlutverk ábyrgðaraðila að gæta að því að öll vinnsla persónuupplýsinga sé í samræmi við lög. Skólastjórnendur Varmahlíðarskóla bera því m.a. ábyrgð á myndatökum og myndbirtingum á vegum skólans. Einnig bera þeir ábyrgð á að upplýsa foreldra/forsjáraðila um viðmið um myndatökur og myndbirtingar á börnum á vegum skólans. Skólastjórnendur skulu virða vilja foreldra/forsjáraðila og barna óski þeir eftir að ekki verði teknar af þeim myndir eða þær birtar.
3. Í upphafi skólagöngu hvers barns óskar Varmahlíðarskóli eftir upplýstu, skriflegu samþykki foreldra/forsjáraðila fyrir heimild til að taka ljósmyndir og myndbönd af barni þeirra í skólastarfinu. Þegar um ólöggráða einstaklinga er að ræða, eins og nemendur skólans, fara foreldrar/forsjáraðilar þeirra með hæfi til að veita samþykki fyrir vinnslu persónuupplýsinga (s.s. myndatökum og myndbirtingum) sbr. 1. mgr. 51. gr löggræðis laga. Ábyrgðaraðila, hér skólastjórnendur, ber að veita foreldrum/forsjáraðilum fullnægjandi upplýsingar um tilgang myndatöku/myndbirtingar, um mögulega viðtakendur og þ.h. skv. lögnum.

III Viðmið við myndatöku og myndbirtingu

4. Gæta skal varúðar og nærgætni við allar myndatökur og myndbirtingar af börnum og ungmennum í skóla- og frístundastarfi og að farið sé í hvívetna að lögum um persónuvernd og meðferð persónuupplýsinga nr. 90/2018.
5. Um allar myndatökur og myndbirtingar, hvort sem er á opnu eða læstu svæði, gildir eftirfarandi regla; Börn og ungmenni skulu aldrei sýnd á ögrandi, niðrandi eða óviðeigandi hátt, t.d. þannig að þau séu nakin eða klæðalítill, vansæl eða í erfiðum aðstæðum.
6. Myndasafn Varmahlíðarskóla, þar sem eru m.a. myndir af barni sem er eitt á mynd og eru ekki teknar á opinberum viðburðum, skal vera á lokuðu netsvæði með stýrðum aðgangi. Góð vinnuregla er því að birta einungis hópmyndir af börnum og ungmennum úr skólastarfinu og leitast við að þær endurspegli margbreytileikann í barnahópnum, hvort sem um er að ræða myndir á opnu eða læstu vefsvæði.
7. Ef börn taka þátt í opinberum viðburðum í skóla- og frístundastarfi skal gæta nærgætni og siðgæðis við allar myndatökur og myndbirtingar af þeim.
8. Í myndbirtingum skal þess gætt að jafnræði sé á milli kynja og að hlutfall stúlkna og drengja á myndum sé eins jafnt og kostur er.

IV Upplýsingar til starfsfólks, forsjáraðila og barna

9. Fjallað skal um þessi viðmið og stafræna borgaravitund¹ í lífsleikinámum barna þannig að þau séu meðvituð um viðmiðin og æskilega nethegðun. Framangreint skal einnig kynnt fyrir starfsfólki og foreldrum/forsjáraðilum. Viðmið um myndatökur og myndbirtingar í Varmahlíðarskóla byggjast m.a. á persónuverndarstefnu Varmahlíðarskóla og eru vistuð á heimasíðu skólans ásamt persónuverndarstefnu skólans.

¹ Hvað er stafræn borgaravitund? <https://saft.is/stafræn-borgaravitund/>